

乾隆大藏經



乾隆大藏經



中國書店

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
同登正覺
隨緣徧滿
悉證菩提
風雨調順
百昌蕃熾
庶物咸亨

第二一册 大乘經 五大部（四）

大乘入楞伽經	七卷
菩薩行方便境界神通變化經	三卷
大薩遮尼乾子受記經	一〇卷
大乘大悲分陀利經	八卷
善思童子經	二卷
普超三昧經	四卷
佛說放鉢經	一卷 即普超經第三品別譯
佛說大淨法門品經	一卷
大莊嚴法門經	二卷
佛說大方等大雲請雨經	一卷
大雲請雨經	一卷
大雲輪請雨經	二卷
勝思惟梵天所問經	六卷
思益梵天所問經	四卷

唐于闐國三藏沙門實叉難陀奉制譯	一
劉宋天竺三藏求那跋陀羅譯	一三七
元魏天竺三藏菩提留支譯	一八五
失譯師名附秦錄	三二五
隋三藏法師闍那崛多譯	四八七
西晉三藏法師竺法護譯	五一
安公錄失譯人名開元附西晉錄	五七七
西晉三藏法師竺法護譯	五八五
隋天竺三藏法師那連提黎耶舍譯	六一
隋天竺三藏法師闍那崛多等譯	六三七
宇文周天竺三藏闍那耶舍等譯	六五七
隋天竺三藏法師那連提耶舍譯	六七九
元魏天竺沙門統大乘論師菩提留支譯	七〇一
姚秦三藏法師鳩摩羅什譯	七九九

月燈三昧經 一一卷

亦名：大方等大集月燈經

高齊天竺三藏法師那連提黎耶舍譯……………八八一

月燈三昧經 一卷

與前月燈三昧經第八卷同本

佛說象腋經 一卷

佛說無所希望經 一卷 亦名：象步經

佛說大乘同性經 二卷

佛說證契大乘經 二卷

持心梵天所問經 四卷

亦名：莊嚴佛法經 等御諸法經

佛說觀無量壽佛經 一卷

稱贊淨土佛攝受經 一卷

佛說阿彌陀經 一卷

拔一切業障根本得生淨土神咒 一卷

出小無量壽經

後出阿彌陀佛偈經 一卷

佛說大阿彌陀經 二卷

佛說觀彌勒菩薩上生兜率陀天經 一卷

劉宋沙門釋先公譯……………一〇七五

劉宋罽賓三藏法師曇摩蜜多譯……………一〇八六

西晉三藏法師竺法護譯……………一一〇一

宇文周三藏闍那耶舍共僧安譯……………一一二一

唐中天竺國沙門地婆訶羅等奉詔譯……………一一五九

西晉三藏法師竺法護譯……………一一九三

劉宋西域三藏法師曇良耶舍譯……………一二八三

唐三藏法師玄奘奉詔譯……………一三〇一

姚秦三藏法師鳩摩羅什譯……………一三一

劉宋天竺三藏求那跋陀羅奉詔重譯……………一三一五

後漢失譯師名……………一三一七

吳月支優婆塞支謙譯……………一三一九

劉宋居士沮渠京聲譯……………一三六一

佛說彌勒下生經 一卷

亦名：彌勒當來成佛

佛說彌勒來時經 一卷

佛說彌勒下生成佛經 一卷

佛說觀彌勒菩薩下生經 一卷

姚秦三藏法師鳩摩羅什譯……………一三七〇

失譯師名開元錄附東晉第四譯……………一三七七

唐武周三藏法師義淨奉制譯……………一三八一

西晉月氏三藏竺法護譯……………一三八六



大乘入楞伽經

唐于闐國三藏沙門實叉難陀奉

制譯

新譯大乘入楞伽經序

唐 武 則 天 製

蓋聞摩羅山頂旣最崇而最嚴楞伽城中實難往而難入先佛弘宣之地曩聖修行之所爰有城主號羅婆那乘宮殿以謁尊顏奏樂音而祈妙法因鬘峯以表興指藏海以明宗所言入楞伽經者斯乃諸佛心量之玄樞群經理窟之妙鍵廣喻幽旨洞明深義不生不滅非有非無絕去來之二途離斷常之雙執以第一義諦得最上妙珍體諸法之皆虛知前境之如幻混假名之分別等生死與涅槃大慧之問初陳法王之旨斯發一百八義應實相而離世間三十九門破邪見而宣正法曉名相之並假祛妄想之迷衿依正智以會如如悟緣起而歸妙理境風旣息識浪方澄

清刻龍藏佛說法變相圖



湧泉之義無盡題目品次列於後云

三自性皆空二無我俱泯入如來之藏遊解脫之門原此經文來自西國至若元嘉建號跋陀之譯未弘延昌紀年流支之義多舛朕虔思付囑情切紹隆以久視元年歲次庚子林鍾紀律炎帝司辰于時避暑箕峯觀風潁水三陽宮內重出斯經討三本之要詮成七卷之了教三藏沙門于闐國僧實叉難陀大德大福先寺僧復禮等並名追安遠德冥騰蘭襲龍樹之芳猷探馬鳴之祕府戒香與覺花齊馥意珠共性月同圓故能了達沖微發揮奧蹟以長安四年正月十五日繕寫云畢自惟菲薄言謝珪璋碩四辯而多慙瞻一乘而罔測難違縉俗之請強申翰墨之文詞拙理乖彌增媿慙伏以此經微妙最爲希有所冀破重昏之暗傳燈之句不窮演流注之功

大乘入楞伽經卷第一

唐于闐國三藏沙門實叉難陀奉 制譯

羅婆那王勸請品第一

如是我聞一時佛住大海濱摩羅耶山頂楞伽城中與大比丘衆及大菩薩衆俱其諸菩薩摩訶薩悉已通達五法三性諸識無我善知境界自心現義遊戲無量自在三昧神通諸力隨衆生心現種種形方便調伏一切諸佛手灌其頂皆從種種諸佛國土而來此會大慧菩薩摩訶薩爲其上首爾時世尊於海龍王宮說法過七日已從大海出有無量億梵釋護世諸天龍等奉迎於佛爾時如來舉目觀見摩羅耶山楞伽大城即便微笑而作是言昔諸如來應正等覺皆於此城說自所得聖智證法非諸外道臆度邪見及以二乘

修行境界我今亦當爲羅婆那王開示此法爾時羅婆那夜叉王以佛神力聞佛言音遙知如來從龍宮出梵釋護世天龍圍遶見海波浪觀其衆會藏識大海境界風動轉識浪起發歡喜心於其城中高聲唱言我當詣佛請入此城令我及與諸天世人於長夜中得大饒益作是語已即與眷屬乘華宮殿往世尊所到已下殿右遶三匝作衆妓樂供養如來所持樂器皆是大青因陀羅寶瑠璃等寶以爲間錯無價上衣而用纏裹其聲美妙音節相和於中說偈而讚佛曰
心自性法藏 無我離見垢 證智之所知
願佛爲宣說 善法集爲身 證智常安樂
變化自在者 願入楞伽城 過去佛菩薩
皆曾住此城 此諸夜叉衆 一心願聽法

爾時羅婆那楞伽王以都陀迦音歌讚佛已
復以歌聲而說頌言

世尊於七日 住摩竭海中 然後出龍宮
安詳昇此岸 我與諸姝女 及夜叉眷屬
輪迦娑剌那 衆中聰慧者 悉以其神力
往詣如來所 各下華宮殿 禮敬世所尊
復以佛威神 對佛稱已名 我是羅刹王
十首羅婆那 今來詣佛所 願佛攝受我
及楞伽城中 所有諸衆生 過去無量佛
咸昇寶山頂 住楞伽城中 說自所證法
世尊亦應爾 住彼寶嚴山 菩薩衆圍遶
演說清淨法 我等於今日 及住楞伽衆
一心共欲聞 離言自證法 我念去來世
所有無量佛 菩薩共圍遶 演說楞伽經
此入楞伽典 昔佛所稱讚 願佛同往尊

亦爲衆開演 請佛爲哀愍 無量夜叉衆
入彼寶嚴城 說此妙法門 此妙楞伽城
種種寶嚴飾 牆壁非土石 羅網悉珍寶
此諸夜叉衆 昔曾供養佛 修行離諸過
證智常明了 夜叉男女等 渴仰於大乘
自信摩訶衍 亦樂令他信 唯願無上尊
爲諸羅刹衆 甕耳等眷屬 往詣楞伽城
我於去來今 勤供養諸佛 願聞自證法
究竟大乘道 願佛哀愍我 及諸夜叉衆
共諸佛子等 入此楞伽城 我宮殿姝女
及以諸瓔珞 可愛無憂園 願佛哀納受
我於佛菩薩 無有不捨物 乃至身給侍
唯願哀納受
爾時世尊聞是語已即告之言夜叉王過去
世中諸大導師咸哀愍汝受汝勸請詣寶山

中說自證法未來諸佛亦復如是此是修行甚深觀行現法樂者之所住處我及諸菩薩哀愍汝故受汝所請作是語已默然而住時羅婆那王即以所乘妙花宮殿奉施於佛佛坐其上王及諸菩薩前後導從無量婁女歌詠讚歎供養於佛往詣彼城到彼城已羅婆那王及諸眷屬復作種種上妙供養夜叉衆中童男童女以寶羅網供養於佛羅婆那王施寶瓔珞奉佛菩薩以挂其頸爾時世尊及諸菩薩受供養已各爲略說自證境界甚深之法時羅婆那王并其眷屬復更供養大慧菩薩而勸請言

我今請大士 奉問於世尊 一切諸如來自證智境界 我與夜叉衆 及此諸菩薩 一心願欲聞 是故咸勸請 汝是修行者

言論中最勝 是故生尊敬 勸汝請問法 自證清淨法 究竟入佛地 離外道二乘 一切諸過失

爾時世尊以神通力於彼山中復更化作無量寶山悉以諸天百千萬億妙寶嚴飾一一山上皆現佛身一一佛前皆有羅婆那王及其衆會十方所有一切國土皆於中現一一國中悉有如來一一佛前咸有羅婆那王并其眷屬楞伽大城阿輸迦園如是莊嚴等無有異一一皆有大慧菩薩而興請問佛爲開示自證智境以百千妙音說此經已佛及諸菩薩皆於空中隱而不現羅婆那王唯自見身住本宮中作是思惟向者是誰誰聽其說所見何物是誰能見佛及國城衆寶山林如是等物今何所在爲夢所作爲幻所成爲復

猶如乾闥婆城爲翳所見爲欲所惑爲如夢中石女生子爲如烟焰旋火輪耶復更思惟一切諸法性皆如是唯是自心分別境界凡夫迷惑不能解了無有能見亦無所見無有能說亦無所說見佛聞法皆是分別如向所見不能見佛不起分別是則能見時楞伽王尋即開悟離諸雜染證唯自心住無分別往昔所種善根力故於一切法得如實見不隨他悟能以自智善巧觀察永離一切臆度邪解住大修行爲修行師現種種身善達方便巧知諸地上增進相常樂遠離心意意識斷三相續見離外道執著內自覺悟入如來藏趣於佛地聞虛空中及宮殿內咸出聲音善哉大王如汝所學諸修行者應如是學應如是見一切如來應如是見一切諸法若異見

者則是斷見汝應永離心意意識應勤觀察一切諸法應修內行莫著外見莫墮二乘及以外道所修句義所見境界及所應得諸三昧法汝不應樂戲論笑汝不應起圍陀諸見亦不應著王位自在亦不應住六定等中若能如是即是如實修行者行能摧他論能破惡見能捨一切我見執著能以妙慧轉所依識能修菩薩大乘之道能入如來自證之地汝應如是勤加修學令所得法轉更清淨善修三昧三摩鉢底莫著二乘外道境界以爲勝樂如凡修者之所分別外道執我見有我相及實求那而生取著二乘見有無明緣行於性空中亂想分別楞伽王此法殊勝是大乘道能令成就自證聖智於諸有中受上妙生楞伽王此大乘行破無明翳滅識波浪

不墮外道諸見行中楞伽王外道行者執著於我作諸異論不能演說離執著見識性二義善哉楞伽王汝先見佛思惟此義如是思惟乃是見佛爾時羅婆那王復作是念願我更得奉見如來如來世尊於觀自在離外道法能說自證聖智境界超諸應化所應作事住如來定入三昧樂是故說名大觀行師亦復名爲大哀愍者能燒煩惱分別薪盡諸佛子衆所共圍遶普入一切衆生心中徧一切處具一切智永離一切分別事相我今願得重見如來大神通力以得見故未得者得已得不退離諸分別住三昧樂增長滿足如來智地爾時世尊知楞伽王即當證悟無生法忍爲哀愍故便現其身令所化事還復如本時十頭王見所曾觀無量山城悉寶莊嚴一

一城中皆有如來應正等覺三十二相以嚴其身自見其身徧諸佛前悉有大慧夜叉圍遶說自證智所行之法亦見十方諸佛國土如是等事悉無有別爾時世尊普觀衆會以慧眼觀非肉眼觀如師子王奮迅迴盼欣然大笑於其眉間脰脇腰頸及以肩臂德字之中一一毛孔皆放無量妙色光明如虹拖暉如日舒光亦如劫火猛焰熾然時虛空中梵釋四天遙見如來坐如須彌楞伽山頂欣然大笑爾時諸菩薩及諸天衆咸作是念如來世尊於法自在何因緣故欣然大笑身放光明默然不動住自證境入三昧樂如師子王周迴顧視觀羅婆那念如實法爾時大慧菩薩摩訶薩先受羅婆那王請復知菩薩衆會之心及觀未來一切衆生皆悉樂著語言文

字隨言取義而生迷惑執取二乘外道之行
或作是念世尊已離諸識境界何因緣故欣
然大笑爲斷彼疑而問於佛佛即告言善哉
大慧善哉大慧汝觀世間惡諸衆生於三世
中惡見所纏欲令開悟而問於我諸智慧人
爲利自他能作是問大慧此楞伽王曾問過
去一切如來應正等覺二種之義今亦欲問
未來亦爾此二等義差別之相一切二乘及
諸外道皆不能測爾時如來知楞伽王欲問
此義而告之曰楞伽王汝欲問我宜應速問
我當爲汝分別解釋滿汝所願令汝歡喜能
以智慧思惟觀察離諸分別善知諸地修習
對治證真實義入三昧樂爲諸如來之所攝
受住奢摩他樂遠離二乘三昧過失住於不
動善慧法雲菩薩之地能如實知諸法無我

當於大寶蓮華宮中以三昧水而灌其頂復
現無量蓮華圍繞無數菩薩於中止住與諸
衆會遞相瞻視如是境界不可思議楞伽王
汝起一方便行住修行地復起無量諸方便
行汝定當得如上所說不思議事處如來位
隨形應物汝所當得一切二乘及諸外道梵
釋天等所未曾見爾時楞伽王蒙佛許已即
於清淨光明如大蓮華寶山頂上從座而起
諸娑女衆之所圍繞化作無量種種色華種
種色香末香塗香幢幡幢蓋冠珮瓔珞及餘
世間未曾見聞種種勝妙莊嚴之具又復化
作欲界所有種種無量諸音樂器過諸天龍
乾闥婆等一切世間之所有者又復化作十
方佛土昔所曾見諸音樂器又復化作大寶
羅網徧覆一切佛菩薩上復現種種上妙衣

服建立幢幡以爲供養作是事已即昇虛空
高七多羅樹於虛空中復雨種種諸供養雲
作諸音樂從空而下即坐第二日電光明如
大蓮華寶山頂上歡喜恭敬而作是言我今
欲問如來二義如是二義我已曾問過去如
來應正等覺彼佛世尊已爲我說我今亦欲
問於是義唯願如來爲我宣說世尊變化如
來說此二義非根本佛根本佛說三昧樂境
不說虛妄分別所行善哉世尊於法自在唯
願哀愍說此二義一切佛子心皆樂聞爾時
世尊告彼王言汝應問我當爲汝說時夜叉
王更著種種寶冠瓔珞諸莊嚴具以嚴其身
而作是言如來常說法尚應捨何況非法云
何得捨此二種法何者是法何者非法法若
應捨云何有二有二即墮分別相中有體無

體是實非實如是一切皆是分別不能了知
阿賴耶識無差別相如毛輪住非淨智境法
性如是云何可捨爾時佛告楞伽王言楞伽
王汝豈不見瓶等無常敗壞之法凡夫於中
妄生分別汝今何故不如是知法與非法差
別之相此是凡夫之所分別非聖智見凡夫
墮在種種相中非諸聖者楞伽王如燒宮殿
園林見種種焰火性是一所出光焰由薪力
故長短大小各各差別汝今云何不如是知
法與非法差別之相楞伽王如一種子生芽
莖枝葉及以花果無量差別外法如是內法
亦然謂無明爲緣生蘊界處一切諸法於三
界中受諸趣生有苦樂好醜語默行止各各
差別又如諸識相雖是一隨於境界有上中
下染淨善惡種種差別楞伽王非但如上法

有差別諸修行者修觀行時自智所行亦復見有差別之相況法與非法而無種種差別分別楞伽王法與非法差別相者當知悉是相分別故楞伽王何者是法所謂二乘及諸外道虛妄分別說有實等爲諸法因如是等法應捨應離不應於中分別取相見自心法性則無執著瓶等諸物凡愚所取本無有體諸觀行人以毘鉢舍那如實觀察名捨諸法楞伽王何者是非法所謂諸法無性無相永離分別如實見者若有若無如是境界彼皆不起是名捨非法復有非法所謂兔角石女兒等皆無性相不可分別但隨世俗說有名字非如瓶等而可取著以彼非是識之所取如是分別亦應捨離是名捨法及捨非法楞伽王汝先所問我已說竟楞伽王汝言我於

過去諸如來所已問是義彼諸如來已爲我說楞伽王汝言過去但是分別未來亦然我亦同彼楞伽王彼諸佛法皆離分別已出一切分別戲論非如色相唯智能證爲令衆生得安樂故而演說法以無相智說名如來是故如來以智爲體智爲身故不可分別不可以所分別不可以我人衆生相分別何故不能分別以意識因境界起取色形相是故離能分別亦離所分別楞伽王譬如壁上彩畫衆生無有覺知世間衆生悉亦如是無業無報諸法亦然無聞無說楞伽王世間衆生猶如變化凡夫外道不能了達楞伽王能如是見名爲正見若他見者名分別見由分別故取著於二楞伽王譬如有人於水鏡中自見其像於燈月中自見其影於山谷中自聞其